

四庫全書

史部

欽定四庫全書

元和郡縣志卷十九

唐 李吉甫 撰

河東道 六

潞州 上黨大都督府

開元戶六萬四千二百七十六 鄉一百三十三  
元和戶一萬七千八百 鄉一百二十

今為澤潞節度使理所 管潞州澤州邢州洛州礪  
州礪邢洛本河北道今

隸澤潞節度使管內 管縣三十七  
都管戶二萬六千二百四十三

禹貢冀州之域殷時為黎國春秋時屬晉又兼有潞子之國潞子嬰兒為晉所滅戰國時屬韓別為都以其遠韓近趙至趙孝成王時馮亭以上黨降趙復為趙地秦為上黨郡地後漢末董卓作亂移理壺關城即今州理是也周武帝建德七年于襄垣縣置潞州上黨郡屬焉隋開皇十年罷郡自襄垣縣復移潞州于壺關即今州是也州得名因潞子之國武德元年又于襄垣縣置韓州貞觀十七年廢開元七年以玄宗厯試嘗在此州置

大都督府

州境

東西二百九十三里  
南北三百三十六里

八到

西南至上都一千三百三十里  
南至東都四百七十里

東取穴陘嶺路至相州三百五十里  
東南至澤州一百八十七里

西至晉州三百九十里  
西北至沁州二百一十里

北至儀州三百一十里  
東北至洺州四百五十里

貢賦

開元貢  
人參 墨  
賦 布 麻

管縣十

上黨 長子 屯留 潞城 壺關 黎城

銅鞮 鄉 襄垣 涉

上黨縣

望郭下

開元戶一萬一千三百八十三 鄉二十二

本漢壺關縣也隋開皇中分壺關置上黨縣屬潞州釋

名曰黨所也在于山上其所最高故曰上黨

雞鳴山一曰火山在縣東南七十六里

濁漳水在縣西南二十二里

州城漢壺關縣也上黨記曰曹公之圍壺關起土山于城西北角穿地道于城西內築界城以遮之

五龍祠在縣東南二十里五龍山上慕容永所立以祭五方神

馮亭墓在縣西五里

長子縣緊東北至州五十二里

開元戶二萬二百六十六 鄉三十二

漢舊縣本春秋時地名左傳曰晉人執衛石買于長子

是也慕容永僭號于此稱西燕為慕容垂所滅隋開皇九年移寄氏縣理此屬潞州十八年改寄氏為長子縣發鳩山在縣西南六十五里濁漳水出焉

羊頭山在縣東五十六里後漢安帝時羌寇河東以任尚為御史擊破于羊頭山謂此也

神農城後魏風土記曰神農城在羊頭山上山下有神農泉即神農得嘉穀之所

武訖嶺在縣南四十五里風土記曰秦趙戰于長平趙

軍敗退秦將白起逐至此名曰武訖嶺

屯留縣 上東南至州六十四里

開元戶八千一百六十六 鄉十七

本晉邑春秋曰晉人執衛行人孫蒯于屯留是也漢以  
為縣屬上黨郡高齊省隋開皇十六年重置屬潞州

絳水出縣西南方山去縣八十四里

潞城縣 上南至州四十里

開元戶七千四百六十四 鄉十六



本漢潞縣屬上黨郡即春秋時赤狄潞子嬰兒國也晉滅之後魏太武帝改潞縣為刈陵縣屬襄垣郡隋開皇十六年于此置潞城縣屬潞州

黃阜山在縣西北二十五里劉聰將綦毋劼敗晉將崔恕于黃阜

漳水一名潞水在縣北闕駟曰潞水在縣北為冀州浸即漳水也按王猛與慕容評相禦于潞川評鬻水與軍人絹足水二石則此無他大川可以為浸所有惟漳水

耳故土俗尚謂濁漳為潞水也

武王塢在縣西北四十里塢東有後魏天柱大將軍爾朱榮碑文曰建義元年東討逆賊鎮豎葛榮軍次上黨武王祠東有二狡兔從賊方而來天柱彎弓祝之曰中則擒葛榮不中則否應弦而殪遂擒榮

壺關縣

上西北至州三十里

本漢縣也屬上黨郡山形似壺于此置關故名壺關隋開皇十六年分壺關置上黨縣大業二年省壺關併入

上黨武德四年重置

羊腸坂在縣東南一百六里沾水出焉

漢壺關三老令狐茂墓在縣東北一十九里上書明戾

太子冤者

曹公壘在縣東南一百二里曹公攻高幹所築

黎城縣

中西南至州一百二十里

古黎國春秋曰晉荀林父滅潞立黎侯而還今縣東十八里黎侯城是也漢為潞縣之地後魏太武改潞縣為

刈陵縣隋開皇十八年改刈陵為黎城縣武德初屬韓州貞觀十七年廢韓州屬潞州

古壺關在縣東二十五里春秋齊國夏伐晉取八邑有孟口孟口即壺口也聲相近故有二名

清漳水在縣東北五十里

濁漳水在縣西北五十六里

馮奉世墓及馮昭儀墓在縣東二里

銅鞮縣 上東至州一百五十里

本晉大夫羊舌赤邑時號赤曰銅鞮伯華漢以為縣屬  
上黨郡隋開皇十六年改屬沁州大業二年省沁州復  
屬潞州武德六年屬韓州貞觀十七年廢韓州復隸潞  
州

石梯山在縣西三十里

關與城在縣西北二十里史記曰秦昭襄王攻趙關與  
趙奢曰其險狹譬如兩鼠鬪于穴中將勇者勝遂破秦  
軍解關與之圍

晉銅鞮宮在縣東十五里子產曰今銅鞮之宮數里

斷梁城在縣東北三十里下臨深壑東西北三面阻澗  
廣袤二里俗謂之斷梁城

叔何墓在縣東十八里

鄉縣 中東至州一百七十里

本漢涅氏地屬上黨郡晉始為武鄉縣屬樂平郡石氏  
分上黨置武鄉郡縣屬焉隋開皇初廢郡縣屬潞州晉  
縣原有武字後草創失其舊名

禿頂山在縣西北九十三里

石臼嶺在縣北六十五里

護甲水在縣西北八十里

襄垣縣 上南至州九十三里

本漢舊縣屬上黨郡趙襄子所築因以為名後魏孝莊

帝改為襄垣郡隋開皇十六年改襄垣縣置韓州縣屬

焉貞觀十七年廢州縣屬潞州

鹿臺山在縣南二十里

涅水在縣西北六十里

濁漳水在縣南二十一里

天井關在縣東南四十里置在天井谷內深邃似井因以為名魏武初遷鄴于此置關周建德六年廢

涉縣

上南至州一百八十里

本漢舊縣屬魏郡因涉河水為名晉屬廣平郡後省隋開皇十年于故涉城重置涉縣屬磁州十六年改屬韓州貞觀十七年廢韓州縣屬潞州



清漳水一名涉河在縣南一里

澤州 高平上

開元戶二萬二千二百三十五  
鄉五十九  
元和戶三千五百二十七  
鄉五十

禹貢冀州之域春秋時屬晉戰國時屬韓魏後屬趙秦

使白起破趙于長平即今州北高平縣西北二十一里

長平故城是也秦并天下今州即上黨郡地漢為上黨

郡高都縣之地也後魏道武帝置建興郡孝莊帝改置

建州周改建州為澤州蓋取濩澤為名也

濩烏  
怕反

州境

東西二百九十里  
南北一百五十里

八到

西南至上都一千一百四十里  
西南至東都二百八十里

東踰山至衛州四百一十里  
西至絳州四百四十里

北至潞州一百四十九里  
北至太原府大路六百一十里

貢賦

開元貢  
賦 白石英 人參  
布 麻

元和貢  
白石英五十斤  
野雞九十隻

管縣六

晉城 高平 陵川 沁水 陽城 端氏

晉城縣 上郭下

本漢高都縣屬上黨郡隋開皇三年改屬澤州十八年  
改為丹川縣因縣東丹水為名貞觀三年改置晉城縣  
太行山在縣南四十里禹貢曰太行恒山至于碣石注  
曰二山連延東北接碣石

丹水在縣北十二里司馬山俗傳秦坑趙衆流血丹川  
故名丹水斯為不經也

天井故關一名太行關在縣南四十五里太行山上

高平縣 上南至州八十里

本漢洺氏縣屬上黨郡在洺水之上故以為名後漢改為玄氏屬建興郡高齊文宣帝省玄氏縣自長平高城移高平縣理之仍改高平縣屬高都郡隋開皇三年改屬澤州

頭顱山一名白起臺在縣西五里秦坑趙衆收頭顱築此臺

米山在縣東十里趙將廉頗積糧此山因名

涇水在縣西北三十六里

長平故城在縣西二十一里白起破趙四十萬衆于此  
盡殺之

長平關在縣北五十里

陵川縣 中西至州一百四十里

本漢涇氏縣地隋開皇十六年于此置陵川縣因川為  
名屬澤州

太行山在縣西南百里

沁水縣

中東南至州二百里

本漢端氏縣地後魏孝莊帝于此置太寧郡及東永安縣高齊省郡而縣存隋開皇十八年改為沁水縣

沁水在縣東北五十二里

古王離城在縣東北五十里秦時王離擊趙所築四面絕險

陽城縣

中東至州一百一十里

本漢獲澤縣屬河東郡因獲澤為名也隋改屬澤州天

寶元年改為陽城縣

析城在縣西南七十五里

獲澤在縣西北十二里墨子曰舜漁于獲澤

端氏縣 中南至州一百里

本漢舊縣也史記曰趙成侯十六年與韓魏分晉封晉君于端氏肅侯元年奪晉君端氏徙處屯留漢以為縣屬河東郡晉屬平陽郡後魏屬安平郡隋開皇三年罷郡屬澤州

石門山在縣西南四十一里

沁水在縣南一里

邢州 鉅鹿上

開元戶五萬八千八百二十  
元和戶三千六百九十二

鄉一百二十  
鄉三十三

禹貢冀州之域亦古邢侯之國邢侯為紂三公以忠諫  
被誅周成王封周公旦子為邢侯後為狄所滅齊桓公  
遷邢于夷儀按故邢國今州城內西南隅小城是也夷  
儀今龍崗縣界夷儀城是也春秋時屬晉後三家分晉



屬趙秦兼天下于此置信都縣屬鉅鹿郡項羽改曰襄國蓋以趙襄子諡名也趙歇為趙王張耳為常山王並理信都襄國今州理龍岡城是也前趙嘉平元年石勒屯兵許昌張賓說勒曰觀王彌有王青州之心遲迴未發者懼明公踵其後也明公獨無并州之思乎勒從之遂長驅至鄴攻晉北中郎將于三臺張賓又進曰三臺險固攻守未易卒下王彭祖劉越石大敵也宜及其未至密規進據牢城掃定并薊桓文之業可濟也邯鄲襄

國趙之舊都依山憑險形勝之國可擇此二邑而都之  
王業可圖也勒于是進據襄國王浚遣兵五萬人來討  
勒勒欲挑戰張賓諫曰夫用兵當以已所便擊彼所不  
便今段末柸強悍且宜示之以弱鑿北壘為突門二十  
餘道伏精卒候賊列守未定出其不意擂鼓奮勇直衝  
柸帳柸卒既奔則彭祖可指辰而定也勒從其計遂生  
擒末柸永嘉六年勒僭號遂定都焉至季龍徙都鄴為  
襄國郡石氏既滅罷之後魏復為襄國縣隋開皇三年

以襄國縣屬洺州九年改為龍岡縣十六年割龍岡等  
三縣置邢州以邢國為名也大業三年改為襄國郡武  
德元年改為邢州置總管二年陷竇建德四年討平之  
又為劉黑闥所陷五年擒之依舊為邢州

州境

東西二百八十二里  
南北一百三十六里

八到

西至上都一千九百里  
西南至東都八百四十里

東至貝州二百三十里  
東南至洺州一百二十里

西踰山至儀州二百三十五里  
東北至趙州一百九十里

貢賦

開元貢賦

文石獅子

絲布

管縣九

龍岡 堯山 鉅鹿 沙河 平鄉 南河

任 內丘 青山

龍岡縣

上郭下

古邢國也秦以為信都項羽更名曰襄國漢因不改石勒僭號據之勒未立前襄國有讖曰古在左月在右讓亡言或入口識者以為胡有襄國也周武帝改為襄國

郡隋開皇三年罷郡縣屬洺州九年改為龍岡縣以西  
北有龍岡因名之十六年于此置邢州龍岡縣屬焉皇  
朝因之

土山在縣東百五十步昔冉閔攻石祗于襄國為土山  
地道于此

石井岡一名龍岡在縣西北七里岡上有井大如車輪  
石勒時天旱沙門佛圖澄于此握得一死龍長尺餘漬  
之以水良久乃蘇雨遂大降因名龍岡

夷儀嶺在縣西百五十七里

夷儀故城在縣西四十里今俗謂之隨宜城蓋語訛也  
石勒墓在縣南十五里

堯山縣

上西南至州八十里

本曰柏人春秋時晉邑戰國時屬趙秦滅趙屬鉅鹿郡  
漢高祖八年從平城過趙趙相貫高壁人廁上要之上  
心動問縣名何曰柏人上曰柏人者迫于人也不宿去  
後魏改人為仁隋開皇三年罷鉅鹿郡屬趙州大業三

年改屬邢州天寶元年改為堯山縣

泣水在縣西一里俗亦名曰脂溝

柏人故城在縣西北十二里

張耳臺在縣西北十二里

鉅鹿縣

上西至州一百一十九里

本漢南樂縣地隋開皇六年于此置鉅鹿縣屬趙州取漢鉅鹿縣之名也武德元年于此置起州又立白起縣二年陷竇建德四年討平罷起州以縣屬趙州貞觀元

年改屬邢州

大陸澤一名鉅鹿在縣西北五里禹貢曰恒衛既從大陸既作按澤東西二十里南北三十里葭蘆芡蓮魚蟹之類充牣其中澤畔又有鹹泉煮而成鹽百姓資之

沙河縣

上北至州三十五里

本漢襄國縣地隋開皇九年改襄國為龍岡縣十六年分龍岡于此置沙河縣以沙河在縣南五里因以為名黑山在縣西四十里出鐵



磬口山在縣西南九十八里漢魏時舊鐵官也

平鄉縣

上西至州九十里

本春秋時邢國後為趙地始皇滅趙以為鉅鹿郡亦大稱也張耳與趙王歇走入鉅鹿城王離圍之即此地也後魏自平鄉故城移平鄉縣于此理之屬廣平郡隋開皇三年屬洺州十六年改屬邢州

濁漳水今俗名柳河在縣西南十里

落漢水在縣西南十八里

沙丘臺在縣東北二十里殷紂所築趙李兑圍武靈王于沙丘宮王探雀殼食之而死秦始皇東巡回死于沙

丘

南和縣

緊西南至州三十八里

本漢舊縣屬廣平國後漢屬鉅鹿郡石趙屬襄國郡周屬南和郡隋開皇三年屬洺州十六年改屬邢州

鴛鴦水經縣北五里

張賓墓在縣西十二里石勒軍師號曰右侯

任縣 上西南至州三十八里

本漢張縣地在今縣西南渚陽城是也後漢省趙于此置苑縣石氏滅廢隋開皇十六年于此置任縣屬邢州大業三年省武德四年重置

張城一名渚陽城在縣西南二十七里漢張縣也石勒傳晉將王浚遣石季龍盟就六眷于渚陽謂此也

內丘縣 上南至州五十八里

古邢國地在漢為中丘縣屬常山郡晉于此立中丘郡

石趙改為趙安縣後魏孝文帝復立中丘縣隋室諱忠改為內丘開皇三年屬趙州大業二年改屬邢州

鵲山在縣西三十六里昔扁鵲將號太子遊此山採藥因名

青山縣

中東南至州五十里

本漢中丘縣地隋開皇十六年于此置青山縣屬邢州縣界有青山因名大業二年省縣屬龍騰府武德元年析龍岡內丘兩縣重置屬邢州

黑山一名青山在縣西二十里幽深險絕為逋逃之藪以周太祖諱黑因改黑山為青山縣取名焉

雷公山在縣西南八里漢末黑山羣盜張飛燕等不立君長直以名號為稱多髯者謂之羝公大聲者謂之雷公時有雷公賊保此因以為名

洺州 廣平望

開元戶七萬七千一百五十 鄉一百四十六  
案元和戶鄉數傳寫缺

禹貢冀州之域春秋時赤狄之地後屬晉荀林父敗赤

狄于曲梁按曲梁即今州理地也七國時屬趙趙敬侯  
始都邯鄲至幽王遷為秦所滅秦兼天下是為邯鄲郡  
漢武帝置平干國宣帝改曰廣平自漢至晉或為國或  
為郡永嘉末石勒據有其地石氏滅又屬慕容雋至子  
暉滅又屬苻堅後慕容垂得山東其地復屬焉周武帝  
建德六年于郡置洺州以水為名隋大業三年罷州為  
永安郡武德元年又改為洺州兼置總管二年陷于竇  
建德四年討平又為建德舊將劉黑闥所陷尋討平之

六年罷總管復為洛州

州境

東西一百九十七里  
南北一百一十二里

八到

西南至上都一千六百二十里  
西南至東都七百六十里

東南至魏州一百六十四里

正西徼北至儀州三百六十四里

東北至貝州二百二十里

西北至邢州一百二十里

貢賦

開元貢  
平紬  
綿  
絹  
縑  
縑  
縑

管縣八

永年  
雞澤  
洛水  
肥鄉  
清漳  
曲周

臨洺 平恩

永年縣

望郭下

本漢曲梁縣屬廣平國後漢屬鉅鹿郡高齊文宣帝省  
曲梁置廣平縣隋開皇三年罷郡屬洺州仁壽元年改  
廣平為永年避煬帝諱也

洺水在縣南三里

雞澤在縣西南十里左傳諸侯同盟于雞澤今其澤魚  
鼈菱芡州境所資



廉頗臺在州城南十里十六國春秋冉閔遇慕容恪于  
廉臺十戰皆敗

皇家平劉黑闥壘在縣西南十里洛水南貞觀四年于  
壘東置昭福寺碑岑文本撰

雞澤縣 上西南至州五十里

本漢廣平縣地隋開皇十六年于廣平城置雞澤縣大  
業三年省武德四年重置

洛漳二水在縣東南二十五里合流東入平鄉縣界

洛水縣 上西至州五十里

本漢斥漳縣屬廣平國漳水經其城其地斥鹵故曰斥漳隋開皇六年以縣西近洛河改為洛水屬洛州

衛漳故瀆俗名阿難渠在縣西二百步蓋魏將李阿難所導故名

黃塘坡在縣西北十五里晉龍驤將軍劉牢之救苻丕追慕容垂大軍于黃塘泉即此坡也

肥鄉縣 上西北至州四十五里

本春秋時晉地七國時屬趙今縣即漢邯鄲縣地魏黃  
初二年分邯鄲列人等縣立肥鄉屬廣平郡後魏省入  
臨漳隋開皇十年又置屬磁州十六年割屬洺州  
肥鄉故城在縣西二十二里

平原君墓在縣東南七里

清漳縣

上西北至州七十里

本漢列入縣地按列入縣故城在今肥鄉界隋開皇十  
六年于此置清漳縣南濱漳水因以為名屬洺州

曲周縣

上西南至州八十里

本漢舊縣屬廣平國鄴商為曲周侯後漢屬鉅鹿郡魏屬魏郡後魏宣武帝改置曲安縣屬廣平郡高齊省隋開皇六年復置屬洺州大業二年省武德四年于曲周故城重置

漳水在縣西二十九里

阿難枯渠在縣南十四里

臨洺縣

緊東南至州五十里

本漢易陽縣地屬趙國後魏省入邯鄲縣隋開皇十年  
移邯鄲縣理陟鄉城城在今邯鄲縣界仍于北中府城  
別置臨洺縣北濱洺水因以為名屬磁州大業三年割  
屬洺州

狗山在縣西十里山頂石上有狗跡因名武德五年太  
宗親總戎討劉黑闥于此立營

平恩縣 上西至州八十三里

本漢舊縣也屬魏郡宣帝以許廣漢為平恩侯魏省尋

復置隋開皇三年罷屬洛州

康臺澤在縣東五里

礪州

滄陽上

元和戶一千四十鄉一十三

案此州置自永泰故不載開元戶鄉與貢賦

本漢魏郡武安縣之地周武帝于此置滄陽縣及成安郡隋開皇十年廢郡于縣置礪州以縣西九十里有礪山出礪石因取為名大業二年廢以縣屬相州皇朝永泰元年重置以河東有慈州故此加石也

州境

東西一百七里  
南北一百一十五里

八到

西南至上都一千五百四十里  
西南至東都六百四十五里

南至相州六十五里

西至潞州三百四十里

正北微東至洛州三百十里

貢賦

元和貢賦

紗

鳳翮席

管縣四

滏陽

邯鄲

昭義

武安

滏陽縣

望郭下

本漢武安縣之地魏黃初三年分武安立臨水縣屬廣平郡以城臨滏水故曰臨水以城在滏水之陽亦曰滏陽周武帝于此別置滏陽縣屬成安郡隋開皇三年廢郡縣屬相州十年于此置礪州滏陽屬焉大業二年廢礪州縣屬相州永泰元年重立礪州縣又割屬

鼓山一名滏山在縣西北四十五里滏水出焉泉源奮涌若滏水之湯故以滏口名之八陁第四曰滏口陁山嶺高深實為險阨



石季龍墓在縣西南十四里

佛圖澄墓在縣西南十七里

高齊神武陵在縣南三里

邯鄲縣

上南至州七十里

本衛地也後屬晉七國時為趙都趙敬侯自立晉陽始都邯鄲至幽王遷降秦遂滅趙以為邯鄲郡邯山名也單盡也城郭從邑故單字加邑魏以為縣屬廣平郡隋開皇十年置磁州邯鄲縣屬焉大業二年廢磁州縣屬

洺州永泰元年重立磁州縣還割屬

邯山在縣東南五里

叢臺在縣城內東北隅

洪波臺在縣西北五里

趙簡子墓在縣西南十二里

公孫杵臼程嬰墓在縣西十五里

趙奢墓在縣西北七里

樂毅墓在縣西南十八里

蘭相如墓在縣西南二十三里

昭義縣

上東南至州四十里

魏黃初三年于今滏陽縣置臨水縣北齊天保元年移  
理松釜周武帝建德六年廢永泰元年再置仍改名昭  
義

武安縣

上東南至州九十里

本七國時趙地趙將李牧封武安君即今縣也漢屬魏  
郡魏屬廣平郡隋開皇三年屬相州十年割屬礪州大

業二年礪州廢割屬洺州後置礪州又分隸焉

關與山在縣西南五十里趙奢拒秦軍關與即此山也  
洛水西北去縣八十三里

武安故城在縣西南五里六國時趙邑也趙奢之救關  
與秦軍鼓譟武安屋瓦皆動即此城也



元和郡縣志卷十九

# 欽定四庫全書

史部  
元和郡縣志卷二十

詳校官編修臣曹城

檢討臣德生覆勘

總校官無吉士臣倉聖脈

校對官中書臣牛稔文

謄錄監生臣王宜

謄錄監生臣周牧

欽定四庫全書

元和郡縣志卷二十

唐李吉甫撰

河北道一

懷州  
河內雄

開元戶四萬五千八百四十六  
元和戶八千七百四十一  
鄉八十九  
鄉三十五

今為河陽三城懷州節度使理所  
管懷州管縣  
十內河陽汜

水溫縣濟源河清等五處事具河南府  
案此與後魏博節度使都管戶數並傳寫缺

禹貢冀州之域覃懷之地周為畿內及衛邢雍三國春秋時屬晉七國時屬韓魏二國秦兼天下滅韓為三川郡滅魏為河東郡今州為三川郡之北境河東郡之東境楚漢之際項羽立司馬卬為殷王王河內高帝二年卬降以其地為河內郡領縣十八理懷後漢世祖南定河內難其守鄧禹舉寇恂世祖謂恂曰河內殷富吾將因是而起昔高祖留蕭何鎮關中吾今委卿以河內恂遂伐淇園之竹理矢百餘萬養馬三千匹收租四百萬



斛以給軍事由是東漢之業濟焉晉河內郡移理野王

隋開皇三年罷郡置懷州武德二年陷賊其年于河清

縣界柏崖城置懷州四年討平王世充自柏崖城移于

今理

今屬河陽三城

州境

東西二百一十七里  
南北一百一十五里

八到

西南至上都一千一十里  
西南至東都一百五十里

東至衛州二百六十里  
東南渡河至鄭州一百九十里

北至澤州一百四十里

貢賦

開元貢

牛膝

賦

絲

繅

絹

元和貢

平紬十疋

牛膝

管縣五

河內 武陟

武德

修武

獲嘉

河內縣

望郭下

開元戶一萬八百五十四

鄉二十一

本春秋時野王邑左傳曰晉人執晏弱于野王是也漢  
以為縣屬河內郡隋開皇十六年改為河內縣皇朝因

之

太行山在縣北二十五里禹貢曰太行恒山至于碣石  
注曰二山連延東北接碣石

太行陁在縣西北三十里連山中斷曰陁述征記曰太  
行山首始于河內自河內北至幽州凡有八陁第一曰  
軹關陁今屬河南府濟源縣在縣理西十一里第二太  
行陁第三白陁此兩陁今在河內第四湓口陁對鄴西  
第五井陘第六飛狐陁一名望都關第七蒲陰陁此三

陜在中山第八軍都陜在幽州太行陜闊三步長四十里

沁水在縣北四里

丹水北去縣七里分溝灌溉百姓資其利焉

濟水經縣西南去縣三十里

新城壘在縣東北九里武德三年劉德威于此置營

武陟縣

望西北至州一百里

開元戶七千九百九十九

鄉十六

本漢懷縣地隋開皇十六年分修武縣置武陟縣理武德故城今縣東二十里武德故城是也屬殷州皇朝因之貞觀元年省殷州屬懷州

沁水在縣東一里

故懷城在縣西十一里兩漢河內郡並理之晉移郡理野王

故殷城在縣東南十里楚漢之際司馬卬為殷王都在此

武德縣

望西至州四十七里

開元戶一萬二百六十二

鄉二十

本周司寇蘇忿生之州邑也左傳曰周與鄭人蘇忿生之田州陘隤懷注曰州今河內州縣是也漢以為州縣屬河內郡隋開皇十六年改州為邢邱縣遙取古邢丘為名也大業二年改邢邱為安昌縣取安昌侯張禹國城為名也武德二年改為武德縣

太行山在縣北五十里

沁水北去縣二里

安昌故城在縣東十三里即張禹所封國城也

故大斛闕在縣北一百六里太行山上

平臯陂在縣南二十三里多菱蓮蒲葦百姓資其利周

迴二十五里

修武縣

緊西南至州一百二十里

開元戶六千七百一十七

鄉十三

本殷之甯邑韓詩外傳曰武王伐紂勒兵于甯改曰修

武左傳曰晉陽處父聘于衛過甯注云汲郡修武縣是漢以為縣屬河內郡周武帝以為修武郡修武縣屬修武郡隋開皇三年罷郡屬懷州武德初屬殷州貞觀元年省殷州依舊屬懷州

太行山在縣北四十二里

天門山今謂之百家巖在縣西北三十七里以巖下可容百家因名上有精舍又有鍛竈處所即嵇康所居也濁鹿故城在縣界東北二十三里魏文帝受禪封漢帝



為山陽公居河內山陽濁鹿城即此城也

禪陵在縣北三十五里獻帝陵也以禪讓名

獲嘉縣

望西南至州一百六十里

開元戶一萬十四 鄉十九

本漢縣也武帝將幸緱氏至汲縣之新中鄉得南越相  
呂嘉首因立為獲嘉縣屬河內郡前獲嘉縣理在今衛  
州新鄉縣西南十里獲嘉縣故城是也高齊又移于衛  
州共城隋自共城移于今理

同盟山在縣東北五里武王伐紂與諸侯同盟于此山  
七賢祠在縣西北四十二里嵇阮祠也

魏州 魏郡大都督府

開元戶十一萬七千五百七十五  
元和戶六千九百二十

鄉一百四十  
鄉四十五

今為魏博節度使理所

管魏州相州博州衛州貝  
州澶州管縣四十三

禹貢兗冀二州之域在夏為觀扈之國春秋時為晉地  
按沙麓崩在今元城東南四十里是戰國時為衛魏二  
國地秦滅魏置東郡滅趙置邯鄲郡漢高祖使韓信定

河北以秦邯鄲郡之南部東郡之邊縣置魏郡即今元

城縣是也後漢封曹操為魏王理鄴前燕慕容暉都鄴

其魏郡並理于鄴中也後魏于今州理置貴鄉郡尋省

周宣帝大象二年

案周宣帝年號大成靜帝年號大象此有誤

又于貴鄉郡

東界置魏州隋煬帝大業三年罷州為武陽郡隋亂陷

賊武德四年討平竇建德改置魏州其年又陷劉黑闥

五年平黑闥置總管府七年改為都督府貞觀六年罷

都督復為州

州境

東西一百九十六里  
南北一百三十八里

八到

西南至上都一千六百一十里  
西南至東都七百五十里

正東微北至博州一百八十里

東南至鄆州二百四十里

東南渡河至濮州一百九十里

西至相州二百一十里

西北至洛州一百六十四里

東北至貝州二百一十里

貢賦

開元貢賦

縣紬

平紬

紬

管縣八

貴鄉

元城

魏

館陶

冠氏

朝城

莘 昌樂

貴鄉縣

望郭下管西界

本漢元城縣地後魏孝文帝分置貴鄉縣屬昌樂郡隋開皇三年罷郡縣屬魏州大業三年改屬武陽郡皇朝因之武德初割屬魏州

大河故瀆俗名王莽河西去縣三里

州城前燕慕容暉所築周宣帝于此置州理焉

狄仁傑祠在縣東南四里為魏州刺史百姓為立生祠

古堰今名愜山在縣西九里成帝時河決金堤河堤使者王延世募人塞之蓋運土塞河之處以其愜當人情故謂之愜山

元城縣

望郭下管東界

本漢舊縣屬魏郡魏武侯公子元食邑于此因名魏黃初三年于此置陽平郡高齊省元城縣入貴鄉隋開皇六年復置貞觀十三年又省入貴鄉聖厯元年重置開元十三年移在州東北三百步

沙麓在縣東十二里即春秋經所書沙麓崩漢書以為元后興之祥也

馬陵在縣東南一里齊將孫臏破魏軍殺龐涓于此五鹿墟在縣東十二里公子重耳乞食于五鹿野人與之塊即此處也

王翁孺墓在縣東二百步元后之祖也

東哲墓在縣東二十五里

魏縣

望東至州四十里

本漢舊縣屬魏郡後魏孝文帝分魏縣置昌樂高齊省  
魏縣屬昌樂縣隋開皇六年又分昌樂置魏縣屬魏州  
皇朝因之

舊漳河在縣西北十里

新漳河在縣西北二十里

蓋寬饒墓在縣東南八里

館陶縣

緊西至州五十里

本春秋時晉冠氏邑陶丘在縣西北七里爾雅曰再成



為陶丘趙時置館于其側因為縣名漢屬魏郡魏文帝  
改屬陽平郡石趙移陽平郡理此周大象二年置屯州  
以近屯河為名隋大業二年廢屯州以縣屬魏州

大河故瀆俗名曰王莽河在縣東四里

屯氏河俗名屯河在縣西二里

白溝水本名白渠隋煬帝導為永濟渠亦名御河西去  
縣十里

冠氏縣

緊西知州六十里

本漢館陶縣地隋開皇六年分館陶東界置冠氏縣因古冠氏邑為名屬屯州隋大業二年廢屯州縣屬魏州王莽河北去縣十八里

冉仲弓墓在縣北二十五里

朝城縣

緊西北至州一百里

本漢東武陽郡在武水之陽故曰武陽其後為縣屬魏郡隋開皇十六年屬莘州大業二年廢莘州屬魏郡貞觀十七年廢永昌元年置改名武聖開元七年改為朝

城

武河在縣東十步

黃河在縣東二十九里

武陽臺在縣西南一里

扁鵲墓在縣羅城西北隅

莘縣 上西至州一百里

本衛地漢為陽平縣屬東郡魏改屬陽平郡隋開皇六年又于樂平故城置陽平縣屬魏州八年改清平為清

邑縣大業二年改為莘縣因縣北古莘亭為名皇朝因之

莘亭在縣北十三里傳曰衛宣公使太子伋之齊使盜待諸莘將殺之二子伋壽爭相為死即此地也

昌樂縣

望北至州五十里

本漢舊縣屬東郡後漢省後魏孝文帝于漢舊昌樂城置昌樂郡及昌樂縣周武帝改屬魏郡隋罷郡改屬魏州皇朝因之

王莽河西去縣十六里

相州鄴郡望

開元戶七萬八千  
元和戶三萬九千  
鄉一百五十一  
鄉二十九

禹貢冀州之域又為殷盤庚所都曰殷墟項羽與章邯盟于洹水南殷墟是也春秋時屬晉戰國時屬魏魏文侯使西門豹守鄴是也秦兼天下為上黨邯鄲二郡之地漢高帝分置魏郡理鄴後漢末冀州理之韓馥為冀州牧居鄴其後袁紹曹操因之建安十七年冊命操為

魏公居鄴黃初二年以廣平陽平魏三郡為三魏長安  
譙許鄴洛陽為五都石季龍自襄國徙都之仍改太守  
為魏尹慕容雋平冉閔又自薊徙都之仍置司隸校尉  
苻堅平鄴以王猛為薊州牧鎮鄴後魏孝文帝于鄴立  
相州初孝文幸鄴訪立州名尚書崔光對曰昔河亶甲  
居相聖皇天命所相宜曰相州孝文從之蓋取內黃東  
南故殷王河亶甲居相所築之城為名也至東魏孝靜  
帝又都鄴城高齊受禪仍都于鄴改魏尹為清都尹周

武帝平齊復改為相州大象二年自故鄴城移相州于  
安陽城即今州理是也隋大業三年改相州為魏郡武  
德元年復為相州後或為總管或為都督

州境

東西二百一十四里  
南北一百六十九里

八到

西南至上都一千四百四十里  
西南至東都五百八十里

東至魏州二百一十里

東取臨洛縣北至邢州二百六十五里

東南至滑州一百三十里

西至潞州三百五十里

北至礪州六十五里

東北至洛州一百八十里

貢賦

開元貢

紗

鳳翽席

胡粉

知母

賦

絲

絹

絲

管縣十

安陽 鄴 成安 內黃 堯城 洹水

臨漳 臨河 湯陰 林慮

安陽縣

緊郭下

本七國時魏寧新中邑秦昭襄王拔之改名安陽漢初廢以其地屬蕩陰縣晉于今理西南三里置安陽縣屬魏郡後魏并入蕩陰隋開皇十年置安陽縣屬相州皇



朝因之

韓陵山在縣東北十五里東魏丞相高歡破爾朱兆衆于此山

洹水西南自林慮縣界流入

慮音閭

鄴縣

緊南至州四十里

本漢舊縣屬魏郡晉以懷帝諱改鄴為臨漳縣石季龍徙都之復改為鄴縣冉閔及慕容雋洎東魏高齊並都于此其縣名直至隋氏不改皇朝因之

濁漳水在縣北五里西門豹為鄴令引漳水以富魏之  
河內後史起為鄴令又引漳水溉鄴人歌之曰鄴有賢  
令號為史公決漳水兮灌鄴旁終古瀉鹵生稻梁今天  
谷井堰即其遺址也

故鄴城縣東五十步本春秋時齊桓公所築也自漢至  
高齊魏郡鄴縣並理之今按魏武帝受封于此至文帝  
受禪呼此為鄴都

西門豹祠在縣西十五里

魏武帝西陵在縣西三十里

成安縣

上西南至州一百五十里

本漢斥丘縣地屬魏郡土地斥鹵故曰斥丘其地舊屬鄴縣高齊文宣帝分鄴縣置成安縣屬清都尹周平齊屬魏郡隋開皇三年改屬相州皇朝因之

濁漳水西自滏陽縣界流入

斥丘故城在縣東南三十里本春秋時乾侯邑漢以為斥丘縣左傳曰公如晉次于乾侯

內黃縣

緊西北至州八十里

本漢舊縣屬魏郡河北為內南為外故此有內黃陳  
留有外黃後魏省隋開皇六年重置內黃縣屬相州武  
德二年于黎陽置黎州縣屬焉貞觀十七年廢州縣屬  
相州

湯水南去縣七里

黃澤在縣西北五里

故殷城在縣東南十里殷王河亶甲居相因築此城

永濟渠本名白渠隋煬帝導為永濟渠一名御河北去

縣二百步

堯城縣

上西至州四十里

本漢內黃縣地晉于此置長樂縣高齊省長樂入臨漳  
縣隋開皇十年分臨漳洹水二縣于此重置長樂縣十  
八年改為堯城因所理堯城為名也

洹水在縣北四里

丹朱墓在縣東一里

洹水縣

上西南至州一百二十里

本漢內黃縣地晉于此置長樂縣屬魏郡後魏省孝文帝復置長樂縣高齊省入臨漳縣周武帝分臨漳置洹水縣因洹水流入即以為名屬魏郡隋開皇三年割屬相州皇朝因之

洹水西自堯城縣界流入

鷓鴣陂在縣西南五里周迴八十里蒲魚之利州境所資

永濟渠西去縣二里

臨漳縣

上西南至州六十里

本漢鄴縣地東魏孝靜帝分鄴縣之地于鄴城中置臨漳縣周武帝平齊自鄴城移臨漳縣于今理屬魏郡隋開皇三年改屬相州皇朝因之

東山池在縣西南十五里東魏相高澄所築引萬金渠水為池作遊賞處

鷓鴣陂在縣東南三十里與洹水縣同利

袁紹墓在縣西北十六里

臨河縣

上西北至州一百二十里

本漢黎陽縣地隋開皇六年分置臨河縣屬衛州其城  
本春秋時衛新築城十六年改屬黎州大業二年又改  
屬衛州武德二年重置黎州縣屬焉貞觀十七年廢黎  
州以縣屬相州

黃河南去縣五里

湯陰縣

上北至州四十里



本七國時魏蕩陰邑也漢以為縣屬河內郡縣有蕩水  
因取名焉晉屬魏郡後魏省隋開皇六年重置蕩陰縣  
屬相州十六年改屬黎州武德四年分安陽置蕩源縣  
屬衛州十六年改屬相州貞觀元年從漢舊名改為湯  
陰

蕩水西去縣三十五里

牖里一名羗城在縣北九里紂拘西伯之所也

林慮縣

上東至州一百一十里

本漢舊縣屬河內郡以隆慮山在北因為名後避殤帝諱改曰林慮屬朝歌郡晉屬汲郡後魏太武帝省入鄴縣文帝立復屬魏郡周武帝置林慮郡隋開皇三年罷郡縣屬相州武德二年又置巖州五年廢縣又屬相州林慮山在縣北二十里山多鐵縣有鐵官南接太行北連恒岳

博州 博平上

開元戶三萬七千四百七十  
元和戶二千四百三十

鄉七十四  
鄉一十五

禹貢兗州之域春秋時齊之西界聊攝地也戰國時為齊地秦兼天下今州即秦東郡地也在漢為東郡聊城縣之地後魏明元帝于此置平原鎮孝文帝罷鎮置平原郡葛榮之據冀州也又于今理置冀州尋廢考武帝復置平原郡隋開皇三年置郡十六年于今理置博州大業三年省隋亂宇文化及弑逆自江都舉兵至此竇建德攻陷其城復自據武德四年討平竇建德重置博

州

州境

東西一百五十七里  
南北一百六十六里

八到

西南至上都一千七百九十里  
西南至東都九百三十里

東渡河至鄆州一百八十里  
東渡河至齊州二百九十里

西南至魏州一百八十里  
西北至貝州一百九十里  
東北至德州一百六十里

貢賦

開元貢  
平絢十疋  
賦  
繇  
絹

管縣六

聊城  
武水  
堂邑  
清平  
博平  
高唐

聊城縣緊郭下

本春秋時聊攝地晏子對景公曰聊攝以東其為人多矣漢以為縣屬東郡晉屬平原郡高齊改屬濟州隋開皇三年改屬冀州十六年置博州縣屬焉

黃河南去縣四十三里

在平故城在縣東五十三里在在山之平地石勒之賤也賣在在平人師歡家為奴

四口故關在縣東南八十里隋置

武水縣

上東北至州六十里

本漢陽平縣地屬東郡隋開皇八年改陽平為清邑縣

十六年分清邑置武水縣屬莘州

即今博州武水縣理是也

在武水

溝之南因名之大業三年廢莘州改屬魏州貞觀元年

改屬博州

黃河南去縣二十二里

堂邑縣

上東至州六十里

本漢清縣發干二縣之地屬東郡隋開皇六年于此置

堂邑縣屬毛州因縣西堂邑故城為名大業二年改屬  
魏州武德四年又屬毛州貞觀元年廢毛州改屬博州  
樂平故城本漢清縣在縣東三十里後趙錄曰東海王  
使征東將軍苟晞擊汲桑石勒勒與晞相持戰于平原  
陽平間為晞所敗桑奔樂平

堂邑故城在縣西北二十七里高帝五年陳嬰為堂邑  
侯嬰孫午繼封尚館陶公主

清平縣 上東南至州八十里

本漢清陽縣地屬清河郡隋開皇六年自今貝州清河縣界移貝丘縣于今理屬貝州十六年改貝州為清平縣屬博州大業二年省博州改屬貝州隋亂廢武德四年重置屬博州

博平縣 上西南至州七十里

本齊之博陵邑也史記曰齊威王伐晉博陵是也漢以為縣屬東郡晉屬平原國隋開皇三年改屬毛州十六年改屬博州



故攝城在縣西南二十里晏子曰聊攝以東其為人多矣即此城也

高唐縣

上西南至州一百一十里

本齊邑春秋夙沙衛奔高唐以叛史記齊威王曰吾臣有盼子者使守高唐趙人不敢東漁于河漢以為縣屬平原郡後魏屬濟州高齊改屬平原郡隋開皇十六年改屬博州皇朝因之長壽二年改為崇武縣神龍二年復舊名

黃河在縣東四十五里

華歆墓在縣東二十里

衛州 汲郡望

開元戶三萬六百六十六  
元和戶二千七百七十七

鄉六十七  
鄉一十九

禹貢冀州之域後為殷都在今州東北七十三里衛縣  
北界朝歌故城是也今州理即殷牧野之地周武王滅  
殷分其畿內為三國詩國風邶鄘衛是也邶封紂子武  
庚鄘管叔尹之衛蔡叔尹之以監殷人謂之三監武王

崩三監及淮夷叛成王既伐管叔蔡叔以殷封康叔為衛侯今郡及魏郡之黎陽河內之野王朝歌皆衛之分其後十五葉懿公為翟所滅更封于楚丘今滑州衛南縣是也河內殷墟更屬于晉後又屬齊戰國時屬魏秦屬河東郡在漢為汲縣屬河內郡魏黃初中置朝歌郡屬冀州晉武帝改朝歌為汲郡仍屬冀州後魏孝靜帝移汲郡理枋頭城今在衛縣界又于汲縣置義州以處歸附之人周武帝改義州為衛州隋大業三年改為汲

郡武德元年又改為衛州二年陷竇建德四年討平仍

舊名焉

州境

東西二百三十六里  
南北一百四十一里

八到

西南至上都一千二百五十里  
西南至東都三百九十里

東渡河至滑州一百一十五里

正南渡河至鄭州二百三十里

正西微南至懷州二百六十里

西北踰山至澤州陵山縣二百四十里

東北至相州一百九十里

東北至澶州二百五十里

貢賦

開元貢  
賦

縣

絹

管縣五

汲

新鄉 衛

共城 黎陽

汲縣

緊郭下

本漢舊縣屬河內郡後魏于此置義州及伍城郡伍城縣周改義州為衛州伍城縣屬衛州隋開皇六年改伍城縣為汲州大業三年改屬汲郡武德元年重置義州汲縣屬焉四年廢義州縣屬衛州

黃河西自新安縣界流入經縣南去縣七里謂之棘津

亦謂之石濟津左傳曰晉伐曹假道于衛衛人弗許還  
自南河濟是也宋元嘉中遣宣威將軍垣護之以水軍  
守石濟亦是此處也

比干墓及廟在縣北十里

太公廟在縣西北二十五里太公即河內汲人也

新鄉縣

緊東至州四十八里

本漢獲嘉縣汲縣二縣地隋開皇六年于兩縣地新築  
城中置新鄉縣屬衛州武德四年屬殷州貞觀元年廢

殷州縣屬衛州

清水在縣北一里

獲嘉故城在縣西南十里本漢舊縣越相呂嘉反武帝將幸緱氏至汲縣新中鄉得呂嘉首以為獲嘉縣

衛縣

緊西南至州六十八里

本漢朝歌縣屬河內郡魏黃初中朝歌縣又屬朝歌郡晉武帝改為汲郡隋開皇三年罷郡縣屬衛州大業二年改朝歌為衛縣屬汲郡皇朝因之

黑山在縣北五十五里漢末眭固白繞等起黑山聚眾  
十餘萬號黑山賊

蘇門山在縣西北十一里孫登所隱阮籍嵇康所造之  
處

延津在縣西二十六里魏曹公遣于禁渡河守延津即  
此地也

枋頭故城在縣東一里建安九年魏武在淇水口下大  
枋木為堰遏淇水令入白渠以開運漕故號其處為枋



頭晉太和四年桓溫北伐慕容暉時亢旱水道不通乃鑿鉅野三百餘里以通舟運自清水入河暉將慕容垂率衆八萬來拒溫大破之遂至枋頭軍糧竭盡溫焚舟步退垂以八千騎追溫戰敗于襄邑亦謂此也後苻氏克鄴改枋頭為昌水縣十六國春秋曰晉劉牢之救苻丕慕容垂率師至枋頭以拒之知晉軍盛乃退後魏嘗移汲郡理此

陽河水出縣西北平地即紂斲朝涉之脛處

朝歌故城在縣西二十一里殷之故都也

鹿臺在縣西殷紂營之七年乃成大三里高十丈

共城縣

本周共伯國厲王無道流崩于彘共伯奉王子靖立為  
宣王共伯復歸于國漢以為縣屬河內郡晉屬汲郡高  
齊省隋開皇四年加城字于此置共城縣屬衛州皇朝  
因之

白鹿山在縣西五十四里

天門在縣西五十里

淇水源出縣西北沮洳山至衛縣入河謂之淇水口

故凡城在縣西二十里古凡伯國也

百門陂在縣西北五里方五百許步百姓引以溉稻田

此米明白香潔異于他稻魏齊以來常以薦御陂南通

漳水

黎陽縣

上西南至州一百二十里

古黎侯國漢為黎陽縣在黎陽山北屬魏郡後魏屬黎

陽郡隋開皇三年屬衛州十六年又屬黎州大業二年  
省黎州縣屬衛州皇朝武德二年重置黎州縣屬焉貞  
觀十七年黎州廢復屬衛州

大伾山正南去縣七里即黎山也尚書云東過洛汭至  
于大伾注曰山再成曰伾

枉人山在縣西北四十二里或言紂殺比干于此

黎陽鎮故城在縣東南一里古翟遼城也翟遼于此僭  
號皇朝改曰白馬鎮

袁譚故城在縣西南百步

曹公故城在縣西南一里是曹公攻譚時所築

白馬故關在縣東一里五步酈食其說高祖曰杜白馬之津即此處也後更名黎陽津慕容德自鄴將徙滑臺至黎陽津風飄舡渡魏軍垂至三軍色懼昏而冰合是夜濟訖旦而魏軍至冰亦消泮德大悅改黎陽津為天橋津高齊文襄征潁城仍移石濟關于此即造橋焉改名白馬關周又改名黎陽關

貝州 清河上

開元戶八萬四千四百  
元和戶二萬一百二

鄉一百一十七  
鄉三十五

禹貢冀州之域春秋時其地屬晉七國時屬趙秦兼天下以為鉅鹿郡漢文帝又分鉅鹿置清河郡以郡臨清河故號清河後漢以為清河國周武帝建德六年齊于此置貝州因丘以為名隋大業三年又為清河郡隋末陷賊武德四年討平竇建德復置貝州

州境

東西二百四十九里  
南北一百九十里

八到

西南至上都一千八百二十里  
西南至東都九百六十里

東至博州一百九十里

南至魏州二百一十里

西至邢州二百三十里

北至冀州二百一十里

正東微北至德州二百三十里

貢賦

開元貢

白氈

賦  
繇  
絹

管縣十

清河 清陽 厯亭 東武城 宗城 經城

漳南 臨清 夏津 永濟

清河縣

緊郭下

本漢信城縣地屬清河郡後漢省信城縣置清河縣至隋不改皇朝因之

故末柸城在縣東北五十里十六國春秋曰鮮卑段末柸自稱遼西公于此築城與石勒相持因為名

永濟渠東南去縣十里

清陽縣

緊郭下

本漢舊縣也屬清河郡後漢省清陽縣其地屬甘陵縣



隋開皇六年重置皇朝因之

甘陵在縣城內後漢清河王慶陵慶即安帝父也

厯亭縣 上西南至州一百里

本漢東陽縣地屬清河郡後漢省東陽縣其地屬郇縣  
郇音輸 隋開皇十六年于此置厯亭縣遙取漢厯縣為名

皇朝因之

東陽故城在縣西十八里漢高祖以張相如為東陽侯

東武城縣 上西南至州四十二里

本七國時趙邑史記曰趙平原君勝封東武城即此地也蓋以定襄有武城同屬趙故此加東字以辨之屬清河郡隋開皇三年改屬貝州皇朝因之自後魏以來山東貴族清河諸崔即此邑人也為天下甲族

宗城縣

望東北至州六十里

本後漢章帝分立廣宗縣屬鉅鹿郡後魏改屬廣宗郡隋開皇三年改屬貝州仁壽元年改宗城縣皇朝因之張甲河在縣南二十五里

漳水東去縣二十七里

經城縣

上東至州六十里

本後漢分前漢堂陽縣于今縣西北二十里置經城縣  
後魏省併入南宮縣孝文帝又于今理置經城縣又置  
廣宗郡高齊省郡及縣仍置武強縣于此隋開皇六年  
移武強縣于此置經城縣屬貝州皇朝因之

張甲枯河東去縣十里

漳南縣

上西南至州一百一十里

本漢東陽縣之地隋開皇六年置東陽縣屬德州取漢東陽之名十六年改屬貝州十八年改為漳南縣以漳水在縣北故名也皇朝因之

永濟渠在縣東五十里

漳水在縣北四十六里

臨清縣 緊東北至州六十里

本漢清泉縣地後魏孝文帝于此置臨清縣屬魏郡高齊省隋開皇六年復置臨清縣屬貝州皇朝因之

貝丘城在縣東南五十里漢貝丘縣城也城內有丘高五丈周迴六十八步城因此為名春秋公田于貝丘是齊州地與此異也

永濟渠在縣城西門外

夏津縣 上西北至州九十里

本漢鄒縣地呂他藥布皆為鄒侯田蚡奉邑亦在鄒屬清河郡隋大業二年改屬貝州天寶元年改為夏津縣屯氏河在縣北

永濟縣

緊東北至州一百一十里

本漢貝丘縣地臨清縣之南偏大歷七年田承嗣奏于張橋行市置西井永濟渠故以為名

永濟渠在縣西郭內闊一百七十尺深二丈四尺南自汲郡引清淇二水東北入白溝穿此縣入臨清按漢武時河決館陶分為屯氏河東北經貝州冀州而入渤海此渠蓋屯氏古瀆隋氏修之因名永濟

澶州

頓丘上

元和戶三千二百六十九鄉一十七

案此州廢自貞觀至大厯乃復置故不載開元戶

鄉與  
貢賦

本漢頓丘縣地武德四年分魏州之頓丘觀城二縣于

今理置澶州因澶水為名又分置澶水縣貞觀元年廢

澶州以澶水縣屬黎州

今衛州黎陽縣理是也非成都管內黎州

大厯七年

魏博節度使田承嗣又奏置澶州

州境

東西一百二十九里  
南北七十里

八到

西南至上都一千五百里  
西南至東都六百三十里

東至濮州范縣一百一十里  
南至濮州濮陽縣三十六里

西南至衛州二百五十里

西至相州內黃縣七十里

西至相州臨河縣八十里

北至魏州一百一十里

東北至魏州朝城縣九十四里

貢賦

元和貢賦

平紬絹

純絲絹粟

管縣四

頓丘 臨黃 觀城 清豐

頓丘縣 望郭下



本漢舊縣因縣東北頓丘以為名屬東郡晉屬頓丘郡  
隋廢郡屬魏州武德初割屬澶州州廢還屬魏州大厯  
初又屬澶州

秋山在縣西北三十五里

黃河在縣南三十五里

顓頊陵在縣西北三十五里

帝嚳陵在縣北三十里

衛康叔墓在縣東北九十里

臨黃縣 上西至州六十七里

本漢觀縣地後漢改觀縣為衛縣後魏孝文帝分衛縣置臨黃縣以北臨黃溝因以為名屬頓丘郡隋改屬魏郡武德初割屬澶州州廢還屬魏州大厯初又屬澶州黃河南去縣三十六里

盧津關古高陵津縣東南三十五里

魏長賢墓在縣北十五里貞觀七年追贈定州刺史即徵父也

觀城縣

緊西至州二十四里

漢觀縣古之觀國左傳曰虞有三苗夏有觀扈國語注  
曰觀國夏啓子太康之第五弟所封也在衛縣夏相滅  
之漢以為縣屬東郡後漢改觀縣為衛國縣屬東郡隋  
開皇六年改衛國縣為觀城縣屬衛州武德四年以觀  
城屬澶州州廢還屬魏州大厯初隸澶州


衛靈公墓在縣東南四十二里

清豐縣

上東至州二十五里

本漢內黃縣地大厯七年于清豐店置因以為名

黃河在縣南五十里



元和郡縣志卷二十